



◆ 29 ноябрь куни Ўзбекистон Республикаси Президенти Шавкат Мирзиёевнинг Россия Федерацияси Президенти Владимир Путин билан телефон орқали мулоқоти бўлиб ўтди.

◆ Президент Шавкат Мирзиёев раислигида қишлоқ хўжалигида сув ресурсларидан оқилона фойдаланиш ва йўқотишларни камайтириш чора-тадбирлари юзасидан видеоселектор йиғилиши бўлиб ўтди.



◆ Давлатимиз раҳбарининг «Ёшлар учун минг китоб» лойиҳасини амалга ошириш чора-тадбирлари тўғрисида»ги қарори қабул қилинди.



◆ Ўзбекистон ташқи ишлар вазири Бахтиёр Саидов араб давлатлари элчилари билан учрашди.



◆ Ташқи ишлар вазирлигида Европа мамлакатлари ва ЕИ институтлари билан ҳамкорлик бошқармаси бошлиғи Ойбек Шахавдинов Буюк Британия элчисининг ўринбосари Стивен Андерсон билан учрашув ўтказди.



◆ 2023 йил 10 декабрь куниндан бошлаб «Тошкент – Сарисий» йўналишида янги йўловчи поезд харақатлана бошлайди. Бу ҳақда «Ўзбекистон темир йўллари» акциядорлик жамияти хабар бермоқда.



◆ Жорий йилнинг 10 декабрь кунини Тошкент шаҳрида Ўзбекистон Республикаси Конституцияси кунига бағишланган «Янги нафас – экиден» оммавий югуриш мусобақаси бўлиб ўтди.



◆ Лондонда Ўзбекистон Республикаси инвестициялар, саноат ва савдо вазири ўринбосари Бадриддин Обидов ва Буюк Британия парламенти давлат котиби ўринбосари, экспорт вазири Малкольм Оффорд раислигида Ўзбекистон – Буюк Британия савдо-саноат кенгаши 27-йиғилиши бўлиб ўтди.

◆ Расмий ташриф билан юртимизга келган Швеция Қироллиги Адлия вазирлиги делегацияси Ўзбекистон Адлия вазирлигига ташриф буюрди.

Анқара, 2023 йил 29 ноябрь. «Ishonch» махсус муҳбири Хусан ЭРМАТОВ хабар қилади.

2023 йил 29 ноябрь куни Туркиянинг Анқара шаҳрида Туркий давлатлар касба уюшмалари Ташкилотининг I съезди бўлиб ўтди. Ушбу Ташкилотнинг биринчи президенти Қудратилла Рафиқов олиб борган йиғилиш кун тартибидан Ташкилот Уставини тасдиқлаш, раҳбар органларини сайлаш каби бир қатор масалалар ўрин олди. Съезд ишида 5 та аъзо ташкилот – Ўзбекистон касба уюшмалари Федерацияси, Туркия касба уюшмалари Конфедерацияси – «TÜRK-İŞ», Озарбайжон касба уюшмалари Федерацияси, Қозоғистон Республикаси касба уюшмалари Федерацияси ҳамда Қирғизистон касба уюшмалари Федерациясидан 40 нафар делегат, шунингдек, Туркия жамоатчилиги вакиллари, хусусан, Туркий давлатлар ташкилоти Оқсоқоллар кенгаши раиси Бинали Йилдирим ҳам иштирок этди.



ТУРКИЙ ДАВЛАТЛАР КАСАБА УЮШМАЛАРИ ТАШКИЛОТИНИНГ I СЪЕЗДИ

– Бугунги таҳликали замонда, дунёнинг турли ҳудудларида низо-лар давом этаётган даврда бундай яқдилликнинг, бирдамлик сари интилишнинг ҳикмати кўп, – деди Қудратилла Рафиқов ўз нутқида. – Ўзбекистон Республикаси Президенти Шавкат Мирзиёев 2022 йили Самарқанд шаҳрида ўтказилган Туркий давлатлар ташкилоти Саммитида шундай деган эди: «Туркий дунё-мизнинг ҳақсиз қилса арзийдиган буюк тарихи, улғу аждодлари ва беқиёс бойликлари бор. Ва мен ишонман, Туркий дунёни буюк келажак кутмоқда. Бу келажакни, ҳеч шубҳасиз, меҳнатқаш, бағрикенг ва олижаноб халқларимиз билан биргаликда яратамиз».

Дарҳақиқат, Президентимизнинг ўтли даъватида янраган эътирофлар ифодаси ўларок, бугун биз Сиз, аъзолар билан бирга шу муқаддас замонда яна бир тарихий ва муҳим воқеанинг бевосита иштирокчиси бўлиб турибмиз.



Ташкилотнинг асосий фаолияти ходимларнинг меҳнат, касбий, ижтимоий, иқтисодий ва бошқа қонуний ҳуқуқлари ва манфаатларини, касба уюшмалари фаолиятининг ҳуқуқлари ва кафолатларини ҳимоя қилишда касба уюшмаларининг халқаро бирдамлиги ва ўзаро ҳамкорлигини мустаҳкамлашдан иборат, деб белгиланган.

Самарқанддаги анжуманда Туркий давлатлар касба уюшмаларининг Кенгаши тасдиқланиб, Ўзбекистон касба уюшмалари Федерацияси раиси Қудратилла Рафиқов Ташкилот президенти этиб сайланган.

Анқарада бўлиб ўтган съезд эса янги Ташкилотнинг энг муҳим ҳаракат босқичи, яъни ҳуқуқий асосини тасдиқлаб берди.

– Биз, Туркий давлатлар вакиллари бугун биргемиз, – дея сўзида давом этди Қудратилла Рафиқов. – Бизни жуда катта тарих, бебаҳо умумий мерос бирлаштириб туради. Томирларимиз бир улғу дарё – Турк дунёси ўзанларидан сув ичади. Қалбларимиз мудом ғурурга тўладик, дунёда давлат ва империялар қуришда, илм ва тафаккур оламида Туркийларнинг, яъни аждодларимиз-

нинг олдида туша оладиган на бир халқ, на бир миллат бор! Албатта, бу бизнинг кучимизни, ақлу заковатимизни белгилайдиган тарихий фактдир.

Бугун Туркий давлатлар касба уюшмалари Ташкилотининг жадаллик билан ривожланиши, халқларимиз ва давлатларимизнинг яқин ҳамкорлиги менга барчамизнинг буюк аждодимиз – қадимий турк давлати асосчиларидан бири Билга Хоқоннинг «Эй туркий элим, ўз-ўзингга қайт, ўзингни англа – янада юксалгайсан!» деган улғу даъватини яна бир бор эслатмоқда.

Турк тилининг бутун бебаҳо латофати ва бойлигини дунёга намойён этган назм мулкининг султони Мир Алишер Навоий бобомиз катта ифтихор билан шундай деган эди:

Турк назмида чу мен тортиб алам,

Айладим ул мамлакатни яққалам.

Ҳазрат Навоий бу сатрлари билан туркийларни биргаликда, бирлашган ҳолда қўришни орзу қилганини англаш мумкин.

Умуман олганда, туркий дунёнинг барча улғулари, мутафаккирлари, ойдинлари халқларимиз бирлигини

мудом орзу қилиб ўтишган.

Озарбайжон шоири ва мутафаккири Низомий Ганжавий ижодида туркий тилнинг гўзал нафосати яққол намойён бўлганини кўрамиз. Дунё адабиёти аҳли бу гўзал назм намуналаридан баҳраманд бўлар экан, туркий тил бағоят латиқ тил эканига кўп бор иқрорлик келтирганга шубҳа йўқ.

Яна туркий дунё адабиёти устунларидан бири, буюк бастакор, файласуф ва қозоқ ёзма адабиётининг асосчиси, маърифатпарвар шоир Абай ижодида ҳам бу улғу миллатнинг бебаҳо мероси маҳорат билан акс эттирилганини кўриш мумкин.

Буюк қирғиз адиби Чингиз Айтматов асарларини барча туркий халқлар ўзгача муҳаббат билан мутлаа қиладилар. Зеро, уларда туркий халқлар анъаналари, қадриятлари, маданияти ва маънавияти энг гўзал ва бетакрор тарзда ўз ифодасини топган.

Бундан бир аср муқаддам буюк турк фарзанди, Туркия Республикаси асосчиси ва биринчи Президенти Мустафо Камол Отатурк ҳали замонлар келиб, СССР қарамлигидаги туркий миллатдошлар озодликка чиқишини башорат қилар экан, уларга ҳар доим ёрдамга тайёр бўлишга чорлаган ва шундай деган эди:

«Миллатлар бунга қандай тайёргарлик кўрадилар? Маънавий кўприкларни мустаҳкамлаш орқали!»

Тил бир кўприқдир; Имон бир кўприқдир; Тарих бир кўприқдир!»

Бугунга келиб, Туркий тилли давлатлар айнан ана шу нуқтани топа олди, дея баралла айта оламиз. Бу барчамизнинг ютуғимиз, улкан ғалабамиздир.

Съездда Туркий давлатлар ташкилоти Оқсоқоллар кенгаши раиси Бинали Йилдирим сўзга чиқиб,

барчани янги ташкилот фаолияти билан қутлади ва унинг ишига муваффақиятлар тилади.

Шундан сўнг Ташкилот Уставини тасдиқлаш масаласи кўриб чиқилди.

Съездда Ташкилот президенти ҳам сайланди. Раислик қилувчи Қудратилла Рафиқов қабул қилинган Устав қоидаларига биноан, Ташкилотнинг аввалги сайланган раҳбар органлари аъзолари ва президентининг ваколати тўла тугатилган деб ҳисобланишини эълон қилди ва Ташкилот президенти лавозимига Эргюн Аталай номзодини таклиф этди. Шу муносабат билан сўзга чиққан Туркия касба уюшмалари Конфедерацияси – «TÜRK-İŞ» президенти Эргюн Аталай Қудратилла Рафиқовга миннатдорлик билдириб, Ташкилот фаолияти самарадорлиги учун барча имкониятларни ишга солишга ваъда берди.

Озарбайжон касба уюшмалари Федерацияси раиси Саттор Меҳбабев Ташкилот биринчи президенти Қудратилла Рафиқовнинг фаолиятини юксак баҳолаб, унинг номзодини Ташкилот фахрий президентлигига таклиф қилди.

Съездда Ўзбекистон касба уюшмалари Федерацияси раиси – Туркий давлатлар касба уюшмалари Ташкилотининг биринчи президенти Қудратилла Рафиқов Ташкилотнинг умрбод фахрий президенти этиб сайланди.

Делегатлар Ташкилотнинг раҳбар органларини сайладилар. Туркий давлатлар касба уюшмалари Ташкилотининг вице-президентлари, Бош котиби ва унинг ўринбосарлари, Назорат-тафтиш комиссияси сайлаб олинди.

Мажлис ишида Ташкилот декларацияси ҳамда рамзлари қабул қилинди. Молиявий харажатлар сметасини ишлаб чиқиш борасидаги масалалар келишиб олинди.

Шу билан Туркий давлатлар касба уюшмалари Ташкилотининг I съезди ўз ишини якунлади.

Жиззах вилояти

«ХАЙФСАН» БЕКОР ҚИЛИНДИ

Гулинур Болтаева иш берувчининг унга нисбатан қўллаган «Хайфсан» интизомий жазо чорасидан шикоят қилиб, касабга уюшмаларига мурожаат йўлади.

Ўрганишлар мобайнида Халқ банкининг вилоят филиали ҳақиқатан ҳам Г.Болтаевага нисбатан нотўғри жазо қўллагани оидинлашди.

Аммо «Халқ банки» касабга уюшмасининг кўрсатмасини инобатга олмади ва оқибатда иш судга оширилди. Фуқаролик ишлари бўйича Жиззах туманлараро суди иш берувчининг «Хайфсан» жазосини Меҳнат кодексининг талабларига мувофиқ зид деб топди ва Гулинур Болтаевага нисбатан қўлланилган интизомий жазони бекор қилди.

Сардор МҲМИНЖОНОВ, Ўзбекистон касабга уюшмалари Федерацияси Жиззах вилояти кенгаши меҳнат ҳуқуқ инспектори

Сардор МҲМИНЖОНОВ, Ўзбекистон касабга уюшмалари Федерацияси Жиззах вилояти кенгаши меҳнат ҳуқуқ инспектори

АСОССИЗ КЕЧИКТИРИЛГАН

Шоҳиста Тожибоева касабга уюшмаларига ҳомиладорлик таътил пули тўлаб берилмаганидан шикоят қилди.

Гап шундаки, у «Mingyuan silu industry» МЧЖ шаклидаги хусусий корхонадан ҳомиладорлик таътилига чиққан. Иш берувчи ходимга тўлаб берилиши керак бўлган маблағни асоссиз равишда кечиктириб келган.

Касабга уюшмасининг аралашуви билан Ш.Тожибоевага корхона ҳисобидан 7 миллион 226 минг 195 сўм ҳомиладорлик даври учун таътил пули ундириб берилди.

Мухаммадjon ЖўРАҚУЛОВ, Ўзбекистон касабга уюшмалари Федерацияси Жиззах вилояти кенгаши жисмоний ва юридик шахсларнинг мурожаатлари билан ишлаш бўйича бош мутахассиси

Мухаммадjon ЖўРАҚУЛОВ, Ўзбекистон касабга уюшмалари Федерацияси Жиззах вилояти кенгаши жисмоний ва юридик шахсларнинг мурожаатлари билан ишлаш бўйича бош мутахассиси

Навоий вилояти

ТАЪТИЛ КУНЛАРИ НОТЎҒРИ ҲИСОБЛАНГАН ЭДИ

Яқинда жамоатчилик назорати доирасида бир нечта корхона ва ташкилотда меҳнаткашлар учун яратилган меҳнат шароитларини ўргандик. Таассуфки, натижалар кўнгилдагидек бўлмади.

Холатни аниқ мисоллар орқали таҳлил қиладиган бўлсак, «Саноат қурилиш банк», «Агробанк», «Ипак йўли» банки филиаллари ходимларининг ҳақ-ҳуқуқлари иш берувчи томонидан поймол этиб келинган. Яна ҳам аниқроқ айтганда, мазкур ташкилотлардаги ходимларнинг 2020-2021-2022 йиллар ҳамда 2023 йилнинг июнь ойига қадар таътил кунлари нотўғри ҳисоблаб келинган. Ваҳоланки, Вазирлар Маҳкамасининг 2019 йил 6 сентябрдаги 743-сонли «Меҳнат бозорига меҳнат муносабатларини тартибга солишга доир қўшимча чора-тадбирлар тўғрисида»ги қарори билан туман коэффицентлари, шунингдек, йиллик қўшимча таътилнинг энг кам муддати қўлланиладиган табиий-иқлим шароити оғир ва ноқулай жойларда меҳнат қилаётган

ишчи-ходимларнинг йиллик меҳнат таътилига 2 кун қўшимча таътил берилиши белгилаб қўйилган.

Аниқланган камчиликлар юзасидан киритилган кўрсатмалар натижасида иш берувчидан «Ипак йўли» банкнинг 42 нафар ходимига 54 миллион 130 минг 828 сўм тўланмай қолган қўшимча таътил пуллари ундириб берилди. Қолган тижорат банклари эса ҳанузгача қонун талабларига совуққонлик билан қарашмоқда.

Бундан ташқари, юқорида номлари зикр этилган ташкилотларда ходимлар тиббий кўриқдан ўтказилмаган. Бу бўйича ҳам иш берувчиларга тегишли кўрсатмалар киритилди.

Маҳбуба ҚАМБАРОВА, Ўзбекистон касабга уюшмалари Федерацияси Навоий вилояти кенгаши меҳнат ҳуқуқ инспектори

Чуст тумани ободонлаштириш бошқармасига қарашли «Боғиолмос» қабристонига ишловчи Тельман Хожаев бошқарма бошлиғи томонидан ноқонуний ишларга жалб қилинаётганидан норози бўлиб, касабга уюшмаларига мурожаат қилди.

Наманган вилояти

ҚЎШИМЧА ҲАҚ УНДИРИБ БЕРИЛДИ

Ҳар икки куннинг бирида уни вазифасига кирмайдиган ишларга жалб қилган бошлиқ бу гал Тельманни Чуст шаҳридаги кўп қаватли уйларнинг атрофини тозалаш, бузиш, текислаш ишларига юборган ва ярим ой мобайнида шу жойда ишлаб келган.

Ўрганишлардан кўринадики, иш берувчи томонидан ҳақиқатан ҳам Тельман Хожаевга нисбатан мажбурий меҳнатга жалб этилган ҳолатлар кузатилди. Устига-устак бу тўғрида қонуний тарзда буйруқ чиқармасдан бошқа вазифалар буюргани учун унга қўшимча иш ҳақи ҳам тўланмаган.

Ишчининг Ўзбекистон касабга уюшмалари Федерацияси Наманган вилояти кенгашига қилган мурожаати мутахассислар томонидан ўрганилиб, иш берувчи томонга мажбурий меҳнатнинг ноқонунийлиги, ходимга бундан кейин ҳам вазифасига кирмайдиган ишлар юклама қилинса, раҳбарга жазо чоралари қўлланилиши ҳақида тушунчалар берилди ва Тельман Хожаевга қўшимча иш ҳақлари ҳам ундириб берилди.

Орзулгу РУСТАМОВА «ISHONCH»

КАСАБА УЮШМАСИ АРАЛАШГАЧ..

БОЙМИРЗАЕВА ИШДАН НОҲАҚ БЎШАТИЛГАН

Шеробод тумани «Чўйинчи» МФЙда яшовчи Нилуфар Боймирзаева касабга уюшмаларига арз йўлади.

Унда қайд этилишича, Н.Боймирзаева кўп йиллар Термиз шаҳридаги «Тошмурод Ойдин» МЧЖга қарашли Шеробод тумани 33-мактабга таълим муассасасида ошпаз бўлиб ишлаган. Боғча маъмурияти устидан қилган шикоят сабабли иш берувчи у билан тузилган меҳнат шартномасини бекор қилган.

Ўрганишлар давомида меҳнат қонунчилиги кўпол равишда бузилиб, Н.Боймирзаева ноҳақ ишдан бўшатилиши оидинлашди. Боз устига, иш берувчи ходимнинг ҳомиладор эканини ҳам инобатга олмаган.

Унинг манфаатини кўзлаб судга даъво аризаси киритилди. Фуқаролик ишлари бўйича Термиз туманлараро судининг қарорига асосан Н.Тўраева 33-мактабга таълим муассасаси ошхонасининг бош ошпази вазифасига тикланди. Шунингдек, мажбурий бекор юрган кунлари учун унга 3 миллион 988 минг сўм ойлик иш ҳақи ҳамда 2 миллион сўм маънавий зарар ундириб берилди.

Зариф ХОЛОВ, Ўзбекистон касабга уюшмалари Федерацияси Сурхондарё вилояти кенгаши меҳнат ҳуқуқ инспектори

150 ДАН ОРТИҚ КАМЧИЛИК БАРТАРАФ ЭТИЛДИ

Меҳнат муносабатларида меҳнаткашларнинг энг кўп йўлиқадиган муаммоси бу – тиббий кўриқ масаласидир. Кўплаб иш берувчилар мазкур ҳолатга панжа орасидан қараётгани боис ишчи-хизматчилар чиқимдор бўлиб қолаётгани аниқ ҳақиқат. 1 минг 37 нафар ходим тиббий-кўриқ учун ўз маблағи ҳисобидан 13 миллион 749 минг сўм сарфлагани сўзимиз тасдиғи.

Тиббий кўриқ жараёнида ходимлар чиқимдор бўлмаслиги тегишли қарор ва кўрсатмалар билан белгилаб қўйилган. Аниқ ҳолат юзасидан тегишли тартибда чора-тадбирлар кўрилиб, ушбу маблағлар ходимларга қайтариб берилишига эришилди.

Умуман, ўтган давр мобайнида тармоқдаги қатор муассасаларда ўрганиш ишлари олиб борилди. Шу жараёнда 150 дан ортиқ камчилик аниқланиб, иш берувчиларга 28 та кўрсатма хати киритилди.

Мисол учун, зарарли ва ноқулай меҳнат шароитларида банд бўлган ходимларга сут маҳсулотлари берилиши кўзда тутилган бўлишига қарамай, айрим муассасаларда бунга амал қилинмаётгани оидинлашди.

Хусусан, вилоят 2-сонли туманлараро фтизиатрия диспансерининг 9 нафар, Фарғона шаҳар оилавий поликлиникасининг 84 нафар ходими сут маҳсулотлари билан доимо таъминланиши белгиланган бўлса-да, амалда у бажарилмаган. Саъй-ҳаракатлар натижаси ўлароқ ушбу ходимлар сут маҳсулотлари билан таъминланмайдиган бўлди.

Бундан ташқари, ишлаб чиқаришдаги бахтсиз ҳодиса оқибатида меҳнат қобилиятини йўқотган Учкўприк тумани тиббиёт бирлашмаси тез тиббий ёрдам бўлими анестезисти Олмосхон Иноятовага суғурта компаниясидан 58 миллион 967 минг сўм, шунингдек, вилоят санитария-эпидемиология осойишталик ва жамоат саломатлиги бошқармаси оғир мудири Жаҳонгир Мирзакаримовга 250 миллион 317 минг сўм товон пули ундириб берилди.

Равшанбек ФОЗИЛОВ, Соғлиқни сақлаш ходимлари касабга уюшмаси Республика кенгашининг Фарғона вилояти бўйича меҳнат ҳуқуқ инспектори

Ҳамро ЧОРИЕВ, Ўзбекистон касабга уюшмалари Федерацияси Бухоро вилояти кенгаши меҳнат ҳуқуқ инспектори

Салима Рамазонава коронавирус пандемияси вақтида Бухоро вилояти кўп тармоқли тиббиёт маркази бош врачининг буйруғига асосан шу инфекция билан зарарланган беморларни даволаш муассасасига жалб этилади. Иш жараёнида унга ҳам инфекция юқади. Шифохонада даволаниб чиқади.

БИРЙЎЛА ТЎЛОВ ПУЛЛАРИНИ УЧ ЙИЛДАН СЎНГ ОЛИШДИ

«Коронавирус инфекцияси тарқалишига қарши курашиш тадбирларига жалб қилинган тиббиёт, санитария-эпидемиология хизмати ва бошқа ходимларни қўшимча моддий рағбатлантириш тартиби тўғрисида»ги вақтинчалик низомга биноан коронавирус инфекцияси тарқалишига қарши курашиш доирасида инфекцияга чалинган ходимларга бирйўла берилмайдиган тўлов тўла-ниши белгиланган эди. Аммо унга ушбу тўлов пуллари тўлаб берилмади.

С.Рамазонава шу сабаб касабга уюшмаларига мурожаат йўлади. Унинг қонуний ҳақ-ҳуқуқини тиклашни сўраб, судга ариза киритилди. Суддан ходимнинг фойдасига Иқтисодиёт ва молия вазирлиги ҳамда Соғлиқни сақлаш вазирлигидан 100 миллион сўм миқдордаги бирйўла тўлаб берилмайдиган тўловни ундириш, шу билан бир қаторда унга ўз вақтида мазкур тўловни тўлаб бермаганлиги учун жавобгардан 5 миллион сўм маънавий зарар ундириш талаб этилди.

Суд тарафларнинг тушунтиришларини тинглаб, иш ҳужжатларини ўргангач, даъвогарнинг даъво талабларини қаноатлантиришни лозим топди ва Салима Рама-



занованинг фойдасига оз миллион сўм бирйўла берилмайдиган тўлов ундирилиши белгиланди.

Умуман, пандемия даврида Бухоро вилоят кўп тармоқли тиббиёт маркази физиотерапия бўлими ҳамширалари Муборак Фозилова, Шоҳсанам Исмаиллоева, Бухоро вилояти ОИТСга қарши курашиш маркази лаборатория бўлими врач лаборанти Қундуз Нуровалар ҳам беморлар ҳаётини сақлаб қолиш йўлида жонбоз-

